

sit; et similiter licet idem Superior ad duorum vel plurium librorum impressionem potuerit licentiam dare, manifestum erit ex scriptoribus mexicanis et exteris qui de Apparitione tractavere, et ex viris, qui libros approbaverunt, vel qui licentiam ad librorum impressionem concesserunt, maximam copiam sapientum virorum Guadalupensem Apparitionem confirmantium, et publice asserentium haberi. Si autem pondus auctoritatis attendamus, omnibus notum est quanta fuerint scientia praediti quam plurimi qui de hac re scripserunt, et quanta cautela et prudentia ad libros imprimendos á Praelatis Ecclesiasticis licentia concedatur; atque etiam notum est ad libros examinandos, ut praedicta licentia concedatur, viros elegi sapientiores et prudentiores. Nullatenus ergo credendum tot libros de Apparitione B. M. V. de Guadalupe potuisse scribi, et approbari, et licentia necessaria imprimi nisi vera docerent.

3.º Mexicani scriptores qui de Apparitione B. M. V. de Guadalupe tractavere, ab ipso tempore Apparitionis usque ad praesens tempus sese succedunt: eorum autem opera vel opuscula, sive manuscripta, sive typis edita, unanimes omnium acceptatione ut vera semper habita sunt. Unde patet ex scriptorum constanti testimonio argumentum deduci invictum perpetuae nec interruptae traditionis de Apparitione B. M. V. de Guadalupe, planeque demonstrari ipsius Apparitionis veritatem ab omnibus admitti. Roboratur hoc argumentum ex scriptoribus exteris, qui Apparitionem B. M. V. de Guadalupe enarrantes, licentiam Pastorum, et assensum sapientum, et populorum fidelium piam fidem obtinuerunt extra Mexicum.

4.º In scriptoribus qui de Apparitione B. M. V. de Guadalupe tractarunt, non modo miraculi historia legitur, verum etiam varii generis demonstratio, cujus firmitatem nemo unquam potuit labefactare; ut patebit in solutione objectionum.

Invicte ergo probatur ex scriptoribus veritas Apparitionis B. M. V. de Guadalupe.

(Videatur Explanatio et Comprobatio historica hujus argumenti in 3.ª Parte hujus Dissertationis.)

ARGUMENTUM SEPTIMUM.

Veritas Apparitionis B. M. V. de Guadalupe comprobatur ex iis, quae ea de re juridice acta fuere anno 1666.

Quoniam quam plurima antiqua interierunt, quae in Archiepiscopali mexicano archivo servata esse deberent, nihil mirum si illa desiderantur, quae ad Apparitionem juridice inquirendam, egerit Rmus. Zumarraga; de quibus quod aliquando extiterint notitia habetur, ut dicitur in solutione objectionum. Ea de causa anno 1666, cum festum B. M. V. de Guadalupe ab Apostolica Sede concedi desideraretur, de re visum est juridice comprobare ipsius Sanctissimae Virginis Apparitionem, quae alioquin historice plene demonstrabatur.

Juridicae hujus inquisitionis summam affert P. Florentia. (1) Utinam quidquid actum fuit integrum retulisset! Verum excusandus est, quoniam illis temporibus non nisi magnis sumptibus typis edi poterant libri.

Constat ergo viginti et unum testes de Apparitione fuisse interrogatos: aetas illorum erat: primi testis aetas, octoginta anni; secundi, plusquam centum et decem anni; tertii, a centum duodecim ad centum quindecim anni; quarti, octoginta et quinque anni; quinti, septuaginta et octo anni; sexti, octoginta anni; septimi, et octavi, centum anni; etc., aetate minores illi duo fuerunt, qui sexaginta annos, et quinquaginta quinque annos aetatis numerabant.

Ex his testibus undecim fuere viri Ecclesiastici sae-

[1] Estrella del Norte de México, cap. XIII.

culares, vel religiosi: reliqui laici fuere: omnes, prout de jure, testimonium juramento dedere; Sacerdotes autem ut Sacris Canonibus jussum est. Testes coevi Apparitioni haberi non poterant; verum ex illis, qui fuerunt interrogati, non pauci cum coevis vixerunt. Et insuper Presbyter Becerra Tanco, qui juridice testatus est, ut sui testimonii ostenderet fundamenta, aliorum quinque et ecclesiasticorum et laicorum testimonia de Apparitione memorat. Et summam dicendum de Apparitionibus plenam probationem, prout de jure poterat desiderari, habitam fuisse, necnon de solemnibus processione, qua Sacra Imago B. M. V. de Guadalupe a Rmo. Zumarraga ad suum primum templum delata fuit, et de cultu et veneratione ipsius Sacrae Imaginis, de fidelium devotione erga illam, de publica fama et traditione quoad haec, de Joannis Didaci virtutibus et pietate, etc.

Opportunum videtur saltem duorum testimoniorum, quae seniores dederunt, summam transcribere ex Florentia, qui ita ait:

El segundo testigo fue Gabriel Suarez, de mas de ciento y diez años de edad, muy capaz, y que hablaba y se explicaba por medio de los Interpretes Br. Benito de Gama, Presbytero, y Pedro Fijon Diacono: Juan Gomez Davalos, y Don Lorenzo Velazquez, con expedicion en la lengua Mexicana: nacido en el barrio de Tequixquinahua de dicho Pueblo. (*Quauhtitlan*). El qual só cargo del juramento que hizo, declaró, haber oído à su padre Mateo Suarez, natural de dicho Pueblo y barrio (que conoció à Juan Diego) todo este suceso, y las circunstancias de dicha Aparicion, como dejo escrita, y queda testificada en el testimonio antecedente. Y añadió, haberlo oído tambien ahora ochenta ò noventa años, en que era mancebo de quince à veinte años, à otros muchos del Pueblo, que vivian quando sucedió el caso, y fueron, y asistieron à la solemnidad de su translacion. Y afirmó acordarse, de haber visto en ese tiempo la Santa Imagen,

que está y persevera en su hermosura y viveza de colores, segun y como la vio ahora dos años; con que la juzgaba y tenia por milagrosa, y creia haberle guardado Dios la vida por mas de un siglo, para poder testificar esta verdad de tanto credito de la Soberana Señora, pudiendo contarse entre sus milagros su conservacion en una vida tan larga. Y dixo mas, que muchos de su Pueblo han ido y van à la Ermita de la Santa Imagen de Guadalupe, y él entre ellos, à pedir remedio à la Santisima Virgen en sus necesidades, interponiendo à Juan Diego por intercesor y medianero para alcanzarlo; porque lo tenian por Santo, y muy favorecido de la Madre de Dios," etc.

"El tercer testigo fue Andres Juan, de ciento y doce à ciento y quince años, natural de dicho Pueblo de Quauhtitlan, hijo de Ventura Xuares, y Ana Maria, difuntos, que habia sido Mandon en él, el qual preguntado con juramento por el tenor de dicho interrogatorio, declaró sabía de sus padres, habia nacido muy pocos años despues que sucedió el prodigioso caso de la Aparicion de nuestra Señora. Y que siendo de edad y capacidad bastante para hacer juicio del milagro, se lo contaron sus padres, segun y como queda referido en los testimonios antecedentes; y que habia mas de cien años que sus padres lo llevaron la primera vez à la Ermita antigua, que era recién acabada, y toda de adobes, y en ella vio la Santa Imagen ya colocada, que es la misma que hoy está en la Iglesia nueva: y que entonces acudia del Pueblo de Quauhtitlan mucha gente por semanas, los hombres à trabajar en la obra, y las mugeres à barrer y zahumar la Capilla, y que se acordaba muy bien de esta loable costumbre de los de su Pueblo, aunque habian pasado mas de cien años de tiempo; y que le parecia, que la Soberana Virgen le habia guardado la vida para que refriese lo que oyó y vio en honra suya. Asi mis-

mo declaró, que sus padres, y otros, le contaron la mucha cristiandad y virtud de Juan Diego," etc.

ARGUMENTUM OCTAVUM.

Veritas Apparitionis B. M. V. de Guadalupe ostenditur ex sacris concionibus ea de re habitis ad populum.

Quare ad probandam Apparitionis veritatem argumentum ex concionibus desumimus distinctum ab eo quod ex scriptoribus eformatur? Duplici de causa: 1.º eo quod argumentum ex concionibus non solum sumitur ex illis, quae typis editae, vel manuscriptae servantur, sed generaliter ex omnibus, quorum pars major non servatur, vel amittitur: 2.º eo quod ut a vero non deviet de re ad cultum divinum pertinente continua praedicatione per tria saecula cum dimidio, scientibus, et consentientibus, vel praecipientibus Pastoribus, aut ipsis concionantibus, specialem gratiam Dominum concedere persuasum habemus, quae gratia ita specialis scriptoribus non itidem datur.

Probabiliter dicendum praedicationem de Apparitione B. M. V. de Guadalupe incepisse saltem ab eo die quo translata solemnissima processione sacra Imago de Mexicea Metropolitana Ecclesia ad primum Tepeyahuense Templum, etiam in hoc ipso Templo B. M. V. de Guadalupe solemniter celebrata fuit venerata. Quis enim credat in tanto festo verbi Dei praedicationes mutos extitisse? Sed quoniam interierunt plurima, eaque summo pere aestimabilia, ad res nostras perantiquas pertinentia, probare omnia historice non licet hodie. Verum si ad ea quae historice probantur attendamus, apparet Rmum Montufar, qui secundus fuit Mexicanus Archiepiscopus, atque etiam alios Sacerdotes ipsi coevos conciones habuisse de B. M. V. de Guadalupe: atque etiam constant de eadem re concionandi, sive mexicane, sive hispane, antiquam extitisse consuetudinem, necnon et

constat de concionum maxima numerositate, ut videbitur in 3.ª Parte hujus Dissertationis in *Explanatione et comprobatione historica hujus argumenti*.

Quis autem sit numerus omnium concionum, quae de Sanctissima M. V. de Guadalupe habitae sunt, defini non potest. Quasumque de hac re historicas notitias habere licuit, legantur in *Comprobatione et explanatione historica hujus argumenti*. Guridi Alcoser (1) apud se habuisse asserit plusquam nonaginta conciones typis editas de B. M. V. de Guadalupe: opus autem in quo id asseruit, typis edidit anno 1820: at vero non affirmat praedictus auctor omnes conciones impressas apud se habere; et insuper earum numerus temporis progressu auctus est. Verum notandum, apud nos quam plurimas conciones dici, et ex illis paucas typis mandari: Ex. gi ex omnibus praedictis impressis concionibus B. M. V. de Guadalupe, pars minima pertinet civitati Guadalaxarae; in hac autem sola civitate, in solo spatio temporis elapsa a confirmatione Guadalupensis Patronatus, facta a Smo. D. Benedicto XIV, usque ad praesens tempus, plusquam quadringentae conciones de B. M. V. de Guadalupe ad populum habitae facile numerantur: Hinc conjici potest, juxta locorum et temporum adjuncta, quam fuerit magnus illarum numerus in universa Mexicana Natione a tempore Apparitionis usque ad praesens tempus. His addendae sunt conciones de B. M. V. de Guadalupe habitae in exteris nationibus. Et animadvertendum insuper quantum ad conciones typis editas illud ipsum quod de libris notatum fuit, scilicet, quod hae conciones, non modo ipsorum concionatorum, verum etiam illorum, qui conciones approbarunt, et qui ad eas imprimendas licentiam concesserunt, sententiam unanimem ostendunt

(1) Apología de la Aparición, etc., cap. 15, § 2.